

Partido VVD kier saca Antiyas di Reino Hulandes

ORANJESTAD(AAN) For di tempo cu Bolkestein a bin insulta henter pueblo di Aruba door di yama tur hende na Aruba pa ladron y criminal, DIARIO a adverti y alerta pueblo di Aruba pa cu e partido VVD di Hulanda y ki consecuencianan peligroso por tin pa Aruba y Antiyas si VVD bolbe como partido poderosos den gobierno Hulandes.

Un biaha mas DIARIO ta haya razon pasobra partido VVD a cuminsa saca nan huña di venganza contra colonianan di Hulanda pasobra durante e siman aki e parlamentario di VDD, Te Veldhuis a haci declaracionan hopi radical contra Antiyas.

Te Veldhuis a bisa cu awor ta basta y cu Hulanda mester duna Antiyas cu ta pasando den situacionnan financiero malisimo e opcion pa sea sali

di Reino o cu nan ta bira provincia di Hulanda.

No ta pornada Hulanda tabata preparando for di 4 aña pasa caba pa laga cuerpo policial di Aruba y Antiyas cao bao di mando policial Hulandes y e plananan aki ta casi cla pasobra ya caba riba e nivelnan mas halto cu tin, polis di Aruba mester regla hala di asunto via Curacao caminda cu Hulanda a implementa su supuesto grupo di recherche coordina, cu riba papel ta mustra riba un sorto di cooperacion, pero den practica esaki ta nada otro cu re integracion di cuerponan policial di Aruba y Antiyas bao di mando Hulandes.

Warda Costa mester a worde kita di Aruba y Antiyas pa asina ser pasa bao dominio total di Hulanda y e resultadonan ta bisto.

Seguridad Nacional di Aruba a ser entregha na Hulanda y asuntonan di Douane tambe ta casi asina leu cu tur cos lo bay cay bao di dominio Hulandes.

Aruba no mag di mete den nada cu ta encera relacionan externo di e pais pasobra Hulanda a pone KB riba cabez di Henney pa cu esaki.

Free Zone di Aruba tambe mester bira un asunto di reino y asina por sigui menciona un serie di medidanan y areglonan cu a ser logra cu e entreguistanan na Aruba y no mester lubida na Curacao tambe pasobra tabata tin ministro na Curacao cu masha buya a core grita hala di cos contra colonialismo, pero despues di un trip pa Hulanda nan tur a bolbe baco keto keto.

Loke partido VVD ta haciendo ta nada otro anticipando riba e re colonizacion di Antiyas y Aruba y e lo bay den via e sistema di si no fono; sea cu Antiyas y Aruba ta bira provincia di Hulanda y esaki ta e meta di Hulanda o ta laga e islanan aki bay pa nan cuenta y core e riesgo di bira un Surinam part two.

Te ainda pueblonan di

Aruba y Antiyas tin e suerte cu gobierno Hulandes ta consisti di un coalicion y cu VVD no ta su so na mando pasobra si esaki tabata e caso, tanto Aruba como Antiyas por a haya nan independencia via post o internet.

"Ta dicion lidernan sindical pa mas cu un aña caba ta asina keto, por ta asina cu un lider sindical mester a keda keto pasobra e tabata wardando riba promesnan haci di parti di e gobierno actual y ta pesey e no por a bisa nada?"

E comentarionan aki ta djis un par di reaccionan cu DIARIO a haya di trahadornan den sector turistico, pero tras di cortina tin hopi asunto mas cu no ta bon y cu no ta haya atencion di sindicatonan cu mester sali na vanguardia di trahadornan den turismo.

Recientemente un compania local den turismo a ser cumpra door di un compania di exterior y ya caba tin señalnan cu retironan ta na caminda y ta kende ta e promenan cu ta haya nan mes

para riba caya?

Ta trahadornan local pasobra segun algun trahador di e compania aki a haya di entente ta cu mester bin reorganizacion y pa scapa placa e trahadornan stranhero (cu no por worde culpa pa cu e situacion) ta cumbini e compania pasobra Arubianonan ta costa mas.

Ministro Beke mester demostra pueblo di Aruba cu loke partido OLA ta bay haci ta cu nan ta bay duna preferencia na trahadornan Arubiano den sector turistico y esaki por ser logra door di stipula un maneho, cu pa permitnan ser otorga companianan den turismo mester duna trahadornan local preferencia.

Gobierno tin e tarea pa riba un isla asina chiquito manera Aruba medidanan di proteccion ser implementa pa asina evita cu mayan fiendenan local mester sinta sin trabao na cas pasobra cheap labor di stranheronan ta haya preferencia den seno turistico.

Partido MEP ta condena:

Minister Tico Croes

su 240 pa ora a worde aproba pa su swa Glenbert Croes

ORANJESTAD (AAN): Segun partido MEP, mentalidad di corrupcion administrativo a keda comproba, diaranzon anochi na TeleAruba ora cu Swa di minister Tico Croes, esta Glenbert Croes a aproba e acto cu Tico Croes a duna su ruman un salario di 240 Florin pa ora.

"Na un manera increibel y sin cuero di cara, Glenbert Croes y sin ningun misericordia di e pueblo cu apenas ta gana un paar di cent pa ora, a bisa cu e no tin problema pa minister Tico Croes paga su ruman 240 Florin pa ora. E Swa di Tico Croes a bisa esaki ya cu ta pregorativo di cada minister cuanto cent e ta gasta pa su conseheronan."

Segun MEP, kiermeen e gobierno aki ta haci y deshaci cu placa di pueblo pasobra Glenbert y Tico a dicidi esey. Anto loke ta abuso di marca mayor ta cu e no ta nan placa pero di pueblo.

MEP a termina bisando: "Pueblo di Aruba, e deroche di placa aki no tin limite mas.

GUERA NOS TA BAY!!

